



09765

問青閣詩集卷三

送徐蘭生孝廉 大鏞 之山右

天津樊 樊彬賢夫 藏



聞君西笑賦長征，索我當筵唱渭城。多病傷春兼送別，難將情緒訴分明。

風前楊柳裊長絲，無計畱君判袂時。萬疊雲山千尺浪，默無言處最相思。

答邊學博

漫說吟成字字新，攄詞聊爾紀艱辛。評高黃絹懷慚久，趣冷青瑣擊賞頰。挽鹿相安休笑拙，銜鱸有兆豈長貧。官閒問青閣詩集 卷三 一

大有高歌樂莫向，秋風染庾塵。

病中姚子正 榮 先生惠魚

茂陵寂寞病相如，如門外頻停長者車。應是加餐思勸我，深情更為寄雙魚。

題朱韻松 慶元 參軍邗江送別圖

捧檄聞天壯志酬，驪駒聽唱別揚州。雪泥有蹟畱鴻爪，烟水傳神記虎頭。離緒深潭千尺喻，詩懷明月二分秋。綠楊城郭原如畫，恨未偕君打棹游。

參軍俊逸有新詩，想見旗亭畫壁時。白雪陽春欣侶和，綠波南浦悵分離。豪吟海上思鰲釣，佳話江南羨鶴騎。豈獨

情深多舊雨，甘棠還繫萬民思。

送人旋滇

虹霓意氣夙稱雄，幸得芝蘭臭味通。一曲陽關歌此日，鞭絲萬里引薰風。

小僮

只爲飢寒苦，髫年學事人。未諳尊客禮，偏惹老奴嗔。憶我昔，嬌稚知他多苦辛。歐陽方夜讀，相伴覺尤親。

盤香

不向博山爇，迴環勢自連。簾螢光細度，磨蟻迹常旋。火候成丹轉，灰痕暈月圓。較他香一瓣，更覺意纏綿。

問青閣詩集

卷三

艾繩

語休譏艾，艾象好詠繩。繩此夕驅蚊好，前番縛虎曾。蓬蒿同臭味，氣燄早飛騰。一炬成灰燼，三年蓄未能。

蓑孩枕

改巖形何肖，陶人製作良。質原搏土具，名合寤生詳。孺慕懷昏定，男占協夢祥。羣生登衽席，保赤意難忘。

竹夫人

族溯湘妃遠，佳牀夜伴吾。誰方黃嬾熟，合作綠卿呼。笑憶花風倚，顏休籜粉污。秋涼捐棄後，團扇恨生無。

題畫

雨過水田肥泥深沒牛腹柴門爾牧歸笛響穿林屋

呈張雲巢廉訪四十二韻

人瑞者英紀卿暉

帝座連名高瞻華嶽竿衍仰孤躔管測知難盡神姿好湖
前龍江鍾偉質年嶺誕名賢善記推安世多聞羨茂先謨
觴探秘笈說鼎得真詮懷錦誇雲爛毛錐染露圓才誇量
斗富論著粲花鮮卅歲芹香掇巍科芥拾便鵬騫舒健翮
鯉化出重淵雅樂歌萃叶祥徵折桂還爲飛仙令烏遙泛
孝廉船

北關風雲遠南邦歲月遷政行姚水外清勵魏塘邊謝宅

問青閣詩集

卷三

三

招游屐茗溪聽扣舫棘闈會佐校藻鑑本無偏品峻齊靈
苑風高挹冷泉秩登州牧重職任海防專犀弩同潮射鱗
塘勝石鞭春風頃拂拭小草荷陶甄馬帳時開絳楊亭侍
草元六齋神策控五馬羨聯翩符虎榮方剖庭魚久見懸
東陽懷沈約華頂訪青蓮顧渚龍團品嚴陵鳥道穿松聲
三竺月柳色六橋烟仁已揚宏扇廉惟受寵錢福星千里
耀風化一時宣積貯陳陳粟輸將上上田脩鯨供輓粟鹽
英慎持權懋奏羹梅績勤脩府海篇悅懽歡士庶勛業炳
山川移節來三輔承

恩近

九天旌麾臨朽木條糺布瀛壖

宸眷隆交泰冰操益惕乾欣看冠獬豸榮見珥貂蟬綵舞
萊衣絢蘭生謝砌妍

國華占鵲起家慶喜蟬聯竊幸飄蓬迹偏多立雪緣掄揚
濡麝墨頌禱孳鸞巖欣值堂開錦慚非筆似椽形廷
綸綺賁純嘏更長緜

題松桂獨酌圖二首

空翠侵衣袂舉盃涼月高秋風殘醉後百尺聽飛濤
樹老飄金粟封高憶酒泉麴生風味好試證木樨禪

畫蠅

閩青閣詩集

卷三

四

郭索蘆花外游魚樂也同胸中富兵甲聲價重秋風

題扇

廿四橋邊夜月秋簫聲吹澈碧雲浮無言凝睇長空迴一
曲高臺憶鳳游

三十初度

卅載應稱一世周不堪往事憶從頭蓼莪詩廢空揮涕蒲
柳姿柔易覺秋未信服丹能益壽妄思投筆可封侯半生
祗爲飢驅累辜負年華似水流

楊村題壁

人影鞭絲日色昏獨驅羸馬過楊村崔郎空有題詩興不

見桃花笑映門

關中聞蟋蟀

蟲聲聽斷續。通覺靜文心。五夜發清籟。三年謝賞音。漏沈
楓院寂。月落棘籬陰。比舍聞酣睡。空余對爾吟。

題得陽一夢圖

一曲琵琶妙句酬。烟波千載憶江州。憑君寫出南柯境。楓
葉蘆花好卧游。

江月微茫墮水寒。夢中景物畫中看。何時乞得游仙枕。同
聽鶻絃錯雜彈。

燕京古意

問青閣詩集

卷三

五

郎如渾河流。東西無定處。願爲河中泥。處處隨郎去。

卽景

冷雨磯頭過。西風水面吹。滿盃跳白小。好唱摸魚兒。
牧子蘆吹管。漁家網曬門。垂楊沽酒市。帘影弄黃昏。

題陳石生孝廉拜石圖

子房濟北尋仙蹤。穀城會祀黃石公。元章有癖甘下拜。洞
天一品誇玲瓏。嶽竒能與石爲友。非才士卽眞英雄。憶昔
媯皇資煅煉。蒼穹補缺參元功。白榆河邊伴織女。支機輒
輒鳴天風。言於晉國著神異。人間瑩聽難爲聰。祖龍肆虐
及山骨。鞭驅半入洪濤中。點頭聽講蹟。尤幻誰與契。此惟

禪宗自此石交真落落頽然散處隨西東陳君胸中富邱壑
巖從偉望瞻華嵩自言入險復出險三生緣在精靈通
陳君言曾墜崖賴有大石承之得不死莫謂禮非爲我設周旋還與陳經同
生縞妙繪具深意一卷瘦透疑神工飢可爲糧眠可枕完
吾太璞休磨礪何須斗米向人乞折腰笑殺柴桑翁

閨思

客路宵征急蘭窗夜夢疑車中郎睡未妾敢怨眠遲
早起慵梳洗菱花凍自呵深閨寒若此塞上更如何

卽景

輕裘初試小陽天曉日晴烘大道邊宿麥綠凝殘雪濕錯

問青閣詩集

卷三

六

疑春雨灑芳田

乙酉榜發自嘲

天風終見引廻舟路阻蓬瀛頂上游官是寫書應不俗文
無勒帛復何求功名笑比蠅頭小姓字難隨驥尾畱猶勝
劉蕡空下第琳琅秘笈許親儺

晚泊

一水抱城流停橈古鮑邛燈明燕市晚月出潞河秋涼信
催征雁詩懷寄遠鷗登盤鰕菜好乞火向隣舟

都城曉發

登車曉鼓聽寥寥星斗橫斜尙挂空遠道相隨千里月微

裘不敵五更風。班超投筆設何易。王粲依人計已窮。回憶
鳳城年少客。歌筵歡對燭花紅。

天途中晴暖

天心憐客旅。冬日倍暄和。田隴全融雪。河冰半漾波。氣應
陽律轉。時過冬至二日功覺做裘多。沿路詩題壁。何曾凍筆呵。

春題唐月芬女史畫五首

妙咏香閨謝絮誇。更從紙上燦雲霞。全憑玉腕生春好。知
是天花是筆花。

蠟梅牡丹

閨青閣詩集

卷三

七

明珠一斛蠟初封。卯酒朝酣絕代容。想見官裝黃額沒。梅
妃終讓玉環濃。

瓶中牡丹

名花穠豔舊曾探。供養銅瓶笑更酣。今日畫圖重識面。十
分春色憶江南。

芝草蟠桃佛手柑

數朶芝雲湧吉祥。更瞻壽相現無量。分明鑒指禪堪悟。爛
漫天花作道場。

水仙牡丹

自合天香壓眾香。河陽縣裡重花王。笑他仙子凌波步。來

關人間富貴粧

元夕賞雪歌

六街喧闐競簫鼓漠漠同雲鋪碧宇曼衍奇觀戲九天王
龍十萬空中舞昨歲嚴冬少雪花田無三白農夫嗟襄陽
興爲尋梅減謝氏才難詠絮誇上元樂唱春光好試燈正
趁東風早釀得祥雲六出飛滿地瓊瑤人不掃嫦娥未敢
鬪清光翹首冰輪何處藏却訝斧修飄玉屑更疑藥搗飛
元霜誰家紅燭方開宴曲奏迴風聲宛轉美酒羊羔樂未
央千金一刻春宵短李愬當年下蔡州銜枚深夜驅貔貅
祇今燈火殊烽火瑞雪應占大有秋

問青閣詩集

卷三

太真裙

義切勤王共策勳絕裾千載有遺聞烏衣王氏空稱巷白
練羊家漫寫襖書帛功名歸我輩處禪事業笑諸君祇今
憑弔燃犀洛簪笏當年迴出羣

老萊衣

編爛五色戲堂前曲意承歡孝道全老態學成長袖舞親
心喜似繡綉鮮裁縫莫比蘆衣冷嬉笑聊同竹馬牽何必
光榮誇畫錦春暉報得事堪傳

蘇武節

十九年間伴使臣旌旄凋落朔邊塵風沙閱後常相守雪

客歸來倍覺親。歌唱刀環書繫雁。助高鐵券閣圖麟。五千
軍敗終降虜。愧煞河梁舊友人。

漸離筑

擊筑高歌慘不歡。千秋謀拙恨燕丹。離筵剩有秦聲在。激
調空悲易水寒。綠酒盈樽聞墮淚。白衣滿座怒衝冠。黃金
臺畔尋遺蹟。畫角鳴笳霸業殘。

送春

萬紫千紅逞媚風。前各有別離意。鳥聲聽喚子規多。知
是東皇欲返旆。憶昔春色東郊迎。陽和有脚達勾萌。得與
周旋朝復暮。驪歌今又送君行。春來如客誰爲主。祇駐韶
光日百五。眾香國裡促歸期。綠波惆悵生南浦。畱春春在
何人家。階前開到將離花。青青欲折園中柳。緩緩應吟陌
上車。滴酌醇醪共相送。陽關我怕聞三弄。不堪游子正天
涯。杏花春雨江南夢。

題穆鶴舫漕帥漳河利漕圖

歲紀乙酉月初冬。糧艘半阻漳河中。一夜舟行迅於鳥。神
靈驅水兼驅風。昨歲鯨波潰高堰。洪湖清淺桑田變。寧菱
功鉅役千夫。輓粟隄長緣一線。

天子臨軒簡大僚。使星南下擁旌旄。

虞廷命錫司空重。漢節官加護漕高。秋深瓜蔓潮痕落。如

齊帆檣盡停泊眾議紛紛露積宜冰花欲結寒流潤我公
至誠能感神辨香親禱漳河濱祇爲正洪輸

天庾從知効職有波臣雲光漠漠低垂野彷彿紅衣拂白
馬六丁召攝封家姨手挽銀河千里瀉啣尾餘煌儼鷁飛
浹旬早已達

皇畿何用船頭占五兩暗中自有神指揮赫濯聲靈敬入
告輝煌祀典功先報

宸翰光照炳日星金榜雙螭崇廟貌乃知惟德可動天借
風事不託神仙隨車立見沛甘雨拜井亦聞出飛泉生綃
妙繪誇絕技咫尺真堪論萬里存舟小試濟川才不易公
問青閣詩集

卷三

十

心只如水

包孝肅公遺轡歌

在滄州
運判署

洛陽棚車樂難保鑾輿北去真潦倒宋室河山久寂寥千
秋遺愛推包老公昔奉詔承明宮權衡鹽筴誇光榮寵命
共瞻佩銅虎行人應識避花驄偶然按部來渤海高牙大
纛生華采關節不受水衡錢笑比河清肅僚案璽書一旦
天上來鋒車千里馳風雷蜺旌眼見去城郭卧輶攀轅挽
不回騎箕雲表公長往故物流傳增景仰長安冠蓋日逢
迎鳴騶誰復音塵想我來訪古麻姑城野人猶說閻羅名
魏公笏在常相守朱邑祠高尚未傾俗吏贏金遺孫子紛

粉穢迹污青史何如愛戴在民心勿棄甘棠只如此遺韓
斷燈何足多興酣特爲揮長歌物有朽時人不朽公名萬
古難消磨

代題望雲圖

燕山越水路迢迢鴻爪泥痕認未消引領白雲親舍在頓
令游子悔蓬飄

頻年作客別謾闌杜宇聲聲勸客歸我也天涯羈旅久鄉
心時逐斷雲飛

題扇

芳姿淨膩玉無瑕寫向冰紈色未差似有香風襲羅袂好

問青閣詩集

卷三

七

從薜萄證墨華

梔子花

金護鳳著忘憂號莫作尋常砌草看妙手寫生應有意春

風長奉北堂歡

萱草

紅巾舞態想翩翩千載虞姬國色傳得飲鄴泉長不老九

嶷祇有綠華仙

雜花卉

夏晴

聲聲乾鵲報新晴開選人宜着屐迎殘滴乍收林屋靜濕
雲散盡海天清羣山似夢忽然醒一雀啄簷如有情豈獨
三農欣有歲滿園花木樂敷榮

傾盆曾記昨宵聽白點跳珠響乍停風樂無懷眠北牖花

開解語賞南亭潤含襪紙鋪新翠斑暈苔錢鑄古青好是
日斜池上立兒童兒手提蜻蜓

村樹雲屯望未真郊原好景最宜人渡頭綠漲三篙水橋
外紅消八斗塵滑滑泥看驅犢過陰陰木聽嘯鷓頻連朝
未見高樓月今夕蛾眉倍覺親

空庭乍霽晝如年心自幽閒地自偏蝸上頽垣成古篆蟬
鳴高樹曳么絃更無暑氣侵林表但覺生機滿目前修竹
數竿招爽籟羅紈無待扇揮圓

夾竹桃

橫枝三兩是耶非數朶嫣紅綠四圍自有清風生錦浪想

問青閣詩集

卷三

七

因高節賜緋衣芳春帶雨宜龍化幾个臨流憶鰕肥記得
當年人面映門中翠袖尚依稀

曾聞桃竹有名稱又見天桃竹外開三徑亂飛紅雨暗一
株恰好綠雲偎無言想見虛心度不俗終推醜面才偶立
榻前成幻想此君何日到天臺

生日拜先父母墓

思親不可見忽忽廿餘年今日逢初度空來拜墓田童心
懷綵戲壯志負孤懸罔極恩難報荒肝表待鐫

洋爆

團紙如豆內貯砂屑擲地火光迸發響亦隨作兩

戊歲聞舶來津人爭購之雖供兒戲具見匠心
賦長句紀之

機緘一紙莫輕投立見雷轟更電流笑我彈丸纔脫手驚

人喝棒儼當頭研朱迹認封泥固以紅漆黏口裂帛音從擲地

雷光燄不須誇石火威聲震後總難收

九日登高雜感

高樓百尺獨支頤雲物淒清動遠思南國波濤猶汗漫西

陲車馬正驅馳飛鴻失序悲行旅德占從兄街恤中州濁酒停斟感

舊知回首空山吟落葉去年風景記迷離

大筆

問青閣詩集

卷三

三

何人吉夢卜如椽一畫會開混沌天五嶽震搖揮正急千

軍橫掃力能全淋漓寫盡烟雲色褒貶應嚴袞鉞權塗抹

年來成小技文章燕許愧前賢

大旗

指揮陣勢正堂堂共仰高牙大纛張落日影翻千帳迥招

搖輝耀九天長龍文始制推元女麟閣殊勳紀太常壁壘

吟壇誇健將幾番奪幟興飛揚

大廈

功勤作室幾經營堂構巍然氣象宏自有併懽能遠庇漫

勞燕雀賀初成人來熙與春臺樂禮重權輿夏屋名爲憶

高歌杜陵老萬間突兀最關情

大樹

百圍遠籟足稱奇久荷栽培雨露施漢將論功甘退讓孔
門習禮重威儀風雲色壯重霄近梁棟材成大匠知喬木
當春餘蔭在年深應動樹人思

宿水月庵作

殿上蒲牢入夜鳴天風遙送步虛聲浮名未醒盧生夢道
院來聽試院更

措大生涯總可憐任他盧後與王前愧無換骨神仙術落
拓青衿十二年

問青閣詩集

卷三

古

哭楊雲在先生

磊落胸懷服政年忽聞笙鶴返游仙清談甫作三朝別永
訣翻無一語緣幸有文章傳海內先生古文已刊受經堂彙稿未完婚
嫁及生前諸孤成立非容易此後全憑畫荻賢

不因案牘困風塵詩社文壇日日新慷慨常雷豪士氣神

明纔現宰官身無心言語都成識回首關河倍愴神

奉差山左

感受風寒

薄宦天涯家壁立自將清白付兒孫

好客由來古誼敦交情生死總難論券焚空市馮驩義金
散誰知鮑叔恩渤海廿年驚幻夢吳江千里滯歸魂同聲

歌變傷心調一片糝糊血淚痕

澹音夫人悼外詩聲情悲慘

吟成明月與明河。翰墨因緣結契多。先生誦賞彬明月范

篇明河篇兩詩

月范

叔衣寒。勞贈縞。劉蕢命薄。望登科。託媒自愧。蓬門女。揮涕愁聞蒿里歌。門巷依然人不見。西州重過淚滂沱。

冬日訪水西莊遺址用杜工部游何將軍山林原韻

爲訪名園勝。衝寒度石橋。斜廊餘廢礎。老樹倚寒霄。遺址今猶在。良朋好共招。城西游興暢。閒步莫嫌遙。

雲捲長空盡。園林景倍清。空庭畱繫馬。別院憶啼鶯。禿柳低橫岸。寒菘晚入羹。河隄風雪冷。恍在灞橋行。

蘆萄移南海。安榴產月支。繁華思往日。風景繞清池。小徑樵夫引。荒亭野老知。劇隣金谷地。草色久離披。

閒青閣詩集

卷三

五

白髮園丁盡。居人尚賣花。黃茅籬吠犬。青竹鳴藏蛇。裙屐風何盛。壺觴興亦賒。平沙堆瓦礫。遺廢話田家。

衲子知迎客。臨流野寺開。誰煨爐火芋。不見綺窗梅。俯仰成今昔。華嚴悟去來。哦詩題石壁。拂拭舊蒼苔。

耆英思洛社。花木闢平泉。菱展池中鏡。蘆飄浦外綿。三千游客履。十萬買山錢。回首雲烟幻。空來問鞦韆。

三兩人家外。連畦野菜香。更無臺榭立。空冒雪霜涼。沼廢寒流涸。巖虛落照藏。疎鐘沉郭外。暮靄隔蒼蒼。

當年風雅地。梁翰想臨池。投老歸山墅。歡游笑接羅。午橋閒綠野。子夜散紅兒。自恨余生晚。難親杖履隨。

陳蹟餘青嶂。高吟問白雲。共尋靈運宅。莫誚稚珪文。鳥雀
空林噪。牛羊野路分。城中華屋盛。車馬任紛紛。
歎息風流盡。人生信幾何。快游當世少。逸興昔賢多。欲蠟
登山屐。先成擊鉢歌。消寒思雅集。載酒合頻過。

土炕

莫擬牙牀耀錦茵。聊依竈煖便安身。土階示儉風猶古。泥
壁分材制亦新。寒夜畧同爐擁火。進門詎止甑生塵。伴他
瓦枕蘆花被。一樣家風最樸真。

種簾

故物青氈笑尙存。重簾雅製認當門。微寒自勝雲屏隔。絕

問青閣詩集

卷三

六

塞會經雪窖。吞不捲常畱。香篆裊深垂。愈覺繡瑜溫。竹窗
紙帳春光滿。何待南榮去負瓊。

冰淋

此身真似御風輕。瞬息經過路幾程。妙相坐看銀界合。游
仙恍在玉山行。偶來腹坦人應語。能凜頭銜夢亦清。高卧
正當霜雪冷。河瀆深恆枕流情。

花窖

地暖如吹黍。谷笏巧將人力補。天功氣滋雨露栽培後。春
在門牆護庇中。幸得萬千依廣厦。好教廿四待番風。嚴冬
催放唐花豔。何數深閨剪綵工。

友人文字爲人竊去作哭文詩屬和

從來文字有因緣散去應如羽化仙莫向青瑣頻泣涕陳
言去盡出新篇

擊節悲歌欲斷腸新詩珍重貯奚囊者番句好添珠玉又
恐旁人笑慢藏

年來我自太冬烘塗抹東西苦末工縱有文成堪覆瓿與
君一樣哭秋風

蘭石圖

一拳瘦透勢橫斜幽馥初開九畹花應是石交蘭臭合借
來空谷傲烟霞

問青閣詩集

卷三

七

時辰表十六韻

十二辰堪定良工製作精形原昭表正義乃協時行圓中
規痕準微教度數生遠懸新月小環點列星明鑰啟機緘
巧絃聽隱約鳴中心看運紐叩齒儼聞聲手擬周天指爻
疑卦位成鍼鋒殊石引泡影認漚輕橐籥中藏密毫釐外
象呈六書存鳥篆一線驗貓睛自撥金輪轉如觀玉合擎
候能兼晝夜信不爽陰晴定仿南車制休誇刻漏名便如
瓊佩雅護愛錦囊盛妙擅窺天術非同玩物情惜分方有
志測驗對書檠

臘月十九日以冰蠅薦東坡作生日

梅花凍破千樹香寒齋設几陳酒漿眉山詩老不可作造
爲介壽稱華觴無腸公子丁沽產登盤猶帶冰花滿金膏
味美玉壺清一瓣香拈當歲晚公昔所嗜惟花豬螿螟誤
食啞蔡謨殘汁雖哀岐亭蛤舉網思得松江鱸磨蝎爲命
偏潦倒到處泥痕印鴻爪文章空自說橫行玉局何期卽
終老謫宦當年海外游焉能有蠓無監州畫叉百錢度歲
月豪情不復吟蠮蟀高山仰止欽芳躅兜率天中駕黃鶴
掀髯公定來持螯迎神更奏瓶笙曲

津門新樂府六首

堆鹽坨 戒游惰也

問青閣詩集

卷三

六

海濱地卑多斤鹵負郭田無可耕土東雪熬波誇海府堆
鹽如山眞善賈幼穉不讀詩與書強壯不持鎌與鋤萬錢
一擲輕呼盧坐食膏飮衣麗都人人競說販鹽樂游手平
生忘力作鹽坨轉瞬成冰山門前車馬何寥落

獨道曠典未可常獄臺待罪何耶當縣官恩重救不得囹
圜老死行人傷

海船陽 足民食也

不務耕穫勤懋遷能令饑歲成豐年風利船頭占五兩船
艫銜尾行相連揚帆然前明神佑疊鼓焚香祀天后倉囤
須防鼠雀偷波濤幾見魚龍鬪纔聞米販遼海頭又來齊

越逢有秋欲把桑田滄海視還同歲暮役車休大船小船
泊深隴豫防隙漏勤修補萬斛舟如萬頃田豈是閒情泛
柔艣

鈔關橋 裕財賦也

運河流水聲洋洋中連巨艦爲浮梁路通南北如康莊摩
肩擊轂終日忙津關榜字何輝煌晨夕啟閉集帆檣水衡
徵權歲有常謀高裕國兼通商况聞海舶來閩疆亦知計
物勤輸將坐令錢幣官府藏源源直如河水長胥隸當關
氣甚揚橋頭作威同虎狼吁嗟乎大府方今除蠹吏莫將
稅賦充私積

問青閣詩集

卷三

九

冰鮮市 勵清節也

北風一夜吹河凍寒鱗出網冰花重維魴及鯉亥市多釘
盤合作侯鯖用一尾魚一條冰何人懷抱同澄清懸庭治
譜徵廉潔履薄臣心凜戰兢鮑臭既可醜鯨吞終何有想
見稜稜骨鯁臣玉壺一片無纖塵君不見皎潔冰銜有如
此世說魚頭眞御史

三岔河 通漕運也

三岔河東流波千帆萬艦此經過沿隄欸乃聲何多督漕
使者持繡節催輸正供無少闕北倉稻卸號紅蓮南國稅
新翻白雪昨歲黃流高堰決輓粟江淮路阻絕試行海運

仰

宸謨賴此咽喉通曲折小舟撥運御河行咫尺天庾近
帝京故道徒駭畱禹蹟元圭千古溯功成

十字圍 興水利也

津門七十有二沽大波小波通河渠水田漠漠連平蕪插
秧遠近秧馬扶旁有蘋藻芹與蒲菱芡蓮藕蒹葭蘆垂綸
舉網可得魚四腮不數淞江鱸我聞周官蓄泄貴以時鄭
渠蘇隄古有之天津星躔遠析水疏導尤宜辨溝瀆南人
漫說江南好嘗新亦有葛沽稻

問青閣詩集

卷三

三

問青閣詩集卷四

天津樊 杉質夫

寓言

丹山有靈鳥厥名爲鳳凰偶過荆棘叢心知非梧桐展翮
自遠舉中道絕傍徨庭宇紛燕雀翩飛相頡頏疑此九苞
禽一枝來棲藏鳳凰在九霄俯視烟茫茫虞廷方樂作引
吭鳴歸昌凡鳥何足云腐鼠謀充腸

漫興柬董梧侯

汚塵難撲盡聊復入書堆我笑楚囚繫人譏馮婦來澄懷
觀物理隨境悟詩材舊雨隔烟水相思欲溯洄

問青閣詩集

卷四

插柳

宛似桃符換彙萸帶綠痕眉描誰倚戶腰折笑登門細縷

縈青瑣新絲映彩幡韋莊詩綵幡新剪綠楊枝凝妝人忽見樓上倍銷

魏

一試茶

聽唱茶歌罷龍團手自烹一旗先兩摘七椀欲風生泉味

誰同品詩懷愈覺清日高纔睡起靜趣寄瓶笙

浴蠶

携得紅蠶小清流洗濯頻箔應承葦早人比浣花新露葉
看同潔冰絲吐自勻采蘋南澗外歸祀馬頭神

浸稻

嘉種經年蓄春來浸洌泉蟹芒浮綠老鸚粒洗紅鮮匙未
翻雲子鍼將補水田連朝新雨足泥滑好呼健

賣花吟

韶光九十漫銷磨種樹方傳郭橐駝不見飄殘見含笑看
花福是賣花多

斷魂聲遠入高樓深巷人來宿雨收喚醒鴛衾香夢好滿
窗紅日照梳頭

青蚨工數女兒家買得連枝挿鬢斜不信花開顏色好門
中人面豔於花

問青閣詩集

卷四

二

幾費栽培課雨晴一肩挑向綠楊城風光近日偏宜假聽
遍街頭賣像生

自將生計託羣芳蝴蝶風前笑共忙春色人家分作主歸
來空剩一身香

點綴名園別樣新擔頭先占十分春紅腔紫韻年年事幾
見亭臺換主人

偶作

香篆銷爐鴨殘牀卸鬢鴉三更蓮漏靜獨坐看燈花

松

皮皴已作龍鱗老脂化猶成虎魄光獨抱空山泉石性不

知人世有風霜

雨止

驟雨不成陣鞭空尙電光林深含濕翠雲破走斜陽苔磴
有微潤葛衣生嫩涼晚來蚊市靜清夢卜匡牀

閨詞

新裁白苧影玲瓏團扇輕搖畫閣風小婢競誇好指爪朝
來染得鳳仙紅

夢中作

芒鞋一路踏烟霞偶入天臺便是家千樹桃花遮洞口白
雲深處飯胡麻

閨青閣詩集

卷四

三

題張杏史孝廉世光寄廬圖

歷劫不壞惟虛空寄生有木寄居蟲人亦萬物中一物芸
芸之衆皆寓公大風吹沫樓臺現須彌芥子等蟻蠓桑田
再過成滄海陵谷遷易真匆匆奉誠園連昌宮繁華轉瞬
蓬蒿封何況尋常圭竇子焉用夏屋誇穹窿安宅廣居吾
自具沾沾無事求形蹤吾友張子達觀者讀書萬卷天人
通妙繪蘧廬寓深意綴以駢語何其工君家九世同居傳
孝友應多廣夏周併懽又有浮家事高尙烟波自適元真
翁各安其遇寄所寄勝於堂構占棟隆側身天地信逆旅
一任饑驅名役游其中不然君本山陰道上客胡爲津沾

萍水來相逢我今寄人簷宇下幾如阮藉哭途窮貧到無
錐轉自在雪泥印爪隨飛鴻浮生君自悟處境我實同卜
鄰欲入畫圖裡尻輪神馬相追從

芙蓉衫

卉服紋生白氎光取材江上任裁量織成宛肖吳淞網集
製應同楚客裳香汗何妨沾夏月芳華會記拒秋霜西風
爛漫開如錦刀剪深閨幾度忙

苦熱行

赫爍執權驕祝融之而振奮騰燭龍炎官火繖擎虛空焰
峯烈烈光芒紅酷吏活刑肆炮烙請君入褻作劇惡揮汗

問青閣詩集

卷四

四

如漿疑店作人人五月羊裘著減池乾涸扶桑枯西來昧
谷飛渴烏太乙鍊汞翻洪爐跳踉旱魃愁庭巫風伯潛逃
雨師死障天十丈塵埃起安能挽瀉銀潢水大界清涼開
萬里

憎蟲

秋蟲如惡竇不速歎然至夤緣入庭戶昏夜肆吞噬暗飛
擇所居感召由人氣剝膚已可憎况又呼朋類形托黍粒
微口銜稻芒銳辛螫甚蜂蠆逞惡於無備爬搔勞指爪受
攻兼腹背有時老饕足嬰然鳴得意中道逢其侶雙聲競
鼓吹夢中奮揮拳搏頰常再四正如賊遠颺官兵掠空地

亟同穴鼠薰蒿艾燃且熾狡哉豹脚蟲巧向宴數避暫時
得安舒餘燄了不畏起坐對殘燈隔衣猶暗刺笑我非防
嫌守宮紅點臂可憐七尺軀乃爲磨磨累欲學象王慈捨
身任汝飼侏儒倘飽死亦足稱上計又恐族類繁露筍難
爲繼恩威技俱窮輾轉不能寐惟冀西風高庶絕市聲沸

牡丹團扇

幾朵紅芳帶露穠春風吹拂葉重重何人妙寫青蓮句真
向瑤臺月下逢

生花妙筆奪天工恍見凝香曉露中更有好風入懷抱莫
教吹散彩霞紅

問青閣詩集

卷四

五

深淺紅潮暈玉肌傳神原不在胭脂似從雲母窻前過窺
見楊妃浴起時

題簪花圖

偶對合歡鏡間簪並蒂花開奩看笑靨秋水浸朝霞

終軍棄繻

繻棄何知歸路難不教年少誤儒冠立功佇見長纓請無
用應同做蹤看符竹他年終建節布衣此去竟登壇曳裾
多少侯門客禪龜真堪一側觀

相如題橋

何堪滌器久泥塗橋柱留題意象殊未見文園供筆札聊

同畫壁滿江湖揮毫自覺凌雲壯歸路誰爲負弩趨狗監
功名原捷逕白頭差喜慰當壚

班超投筆

雕蟲事業總堪羞燕頰真宜萬里游法笑如毛刀筆吏相
非食肉管城侯壯夫不共中書老弱妹空能國史修塞上
功成飛羽檄風雲腕底氣橫秋

馬援據鞍

老去猶存矍鑠姿蠻江萬里願驅馳長城飲馬心何壯瘴
雨迷鳶瘁敢辭自古英雄傷髀肉至今顧盼想鬚眉如何
畏革平生志回首翻思欵段騎

問青閣詩集

卷四

六

筠潭師擢任山右方伯寄呈十六韻

綸綍頌

榮命屏藩仰壯猷參星明冀野收命重成周碩望人瞻斗
賢聲

帝借籌旬宣持繡節晝接觀

宸旒蕭露歌

丹陛旌霓煥碧油寒帷王屋路問俗晉祠流唐魏淳風潮
章平世澤留桐鄉輿頌在棠舍芾陰稠

太夫子會
觀察河東

閱閱高

三榮鋒車擁八駟臚歡迎父老分陝帥諸侯幕府開文讌

新詩想唱酬載歌汾水曲憑眺太行秋化憶春風侍材蒙

哲匠收車箱猶伏驥劍氣愧衝牛馬帳深恩誌龍門瑞靄
浮慈雲瞻咫尺拈舞效齊謳

贈徐茂才

當代徐孺子文章富五車性情敦古處著作見方家久滅
懷中刺相逢海上槎思君隔秋水橋外月痕斜

贈沈春颿明經

斗酒竟忘醉知君塊壘多莫增彈缺恨只合擊壺歌湖海
謀生拙功名奈老何秋風終振鬪雲路豈蹉跎

目疾

終朝銀海炫雙淚擬鉛流面壁習禪脫背燈成婦羞常如

聞青閣詩集

卷四

七

烟過眼空負月當頭時當中秋安得金鏡也登高豁遠眸

秋海棠

嫣然數朵媚秋光按譜各宜號斷腸獨向西風標遠韻偶
沾曉露試啼妝輕翻葉背採深茜微綴檀心抹淡黃性冷
不隨桃李艷含情無語傍低牆

秋老園林花事稀痕凝血淚是耶非階前雨過寒蛩咽簾
外烟迷瘦蝶飛雙暈膩窺紅粉頰三秋睡起碧羅幃柔
無力金風勁千里王孫怨未歸

秋夜懷人

哀鴻兼落葉助雨作秋聲遙憶天涯客空堂夢未成

希夷高卧圖

五代干戈紛擾日華山清夢亦應難
墜驢豈爲人間事從此先生睡枕安

鄰樹

鄰家有樹低番牆花開花落春風香
借我新綠滿庭戶歸來不嫌三逕荒
秋涼忽見濃陰缺賸有疎枝挂明月
霜華鋪地逼芒鞋獨向階前掃黃葉

吳芸軒師捐館瑞昭世妹有孝行以思親遘疾旋卒
廷揚世兄徵詩

親歿經年憶深增孝女悲如何梁木壞旋見蕙姿萎幻景

問青閣詩集

卷四

八

傷晞露新詞擬色絲

幼時有此心似明月世事等浮雲之句

寄言鮑明遠珍

重令暉詩

文章

文章是何物誤認當功名空說口頭偈如談紙上兵
秋風傷賈傳幻夢陪盧生鐵硯磨難破眞教鑄錯成

秋夜

雨送涼宵近五更西風淒緊夢難成
芭蕉葉脆枯荷裂併

入牀頭屋漏聲

新疆底定喜賦長律六首

熙朝聲教邁虞唐月竈星源盡版疆
遠道久輸千里馬妖

氛忽起九頭鶴

逆裔張裕爾惑誘
回衆連陷四城

烽傳斥堠聞邊警氣壯

山河哭國殤

殉難大小官
員數十人

小醜敢當

天怒震征西旗鼓自堂堂

臨軒命將示韜鈴節鉞先頒聞外權洛邑攻車歌六月東

山破斧陋三年長驅已見驚風鶴深入何虞墮霧鳶轉戰

如飛收四鎮星馳露布報

甘泉

遠竄應知負罪深

張逆於密城破
後逃由卡倫

會聞上賞重懸金游魂

何異窮鱗歷入穴猶將困獸尋敢向先零思結約歡呼頡

利竟生擒

張逆於除夕潛入卡倫復思糾合回衆
官兵窮追至鐵蓋山擒獲餘黨殲盡

春風早

問青閣詩集

卷四

九

報紅旗捷從此方紆

宵旰心

破虜功推上相高九邊無事鮮征袍

恩周將士推牛享爵

錫公侯汗馬勞

長將軍封威勇公
楊叅贊封果勇侯

天威通繹象元宵喜氣溢山鰲丹青繪入凌烟閣一代崇

勲重鄂褒

屯田塞下費經營星使皇華賦遠征

那制軍奉
關籌辦善後事宜

上將猶留籌筆驛嚴關重築受降城冰山險已九泥塞沙

漢人宜買犢耕漫向燕然誇勒石昭回

宸翰紀功成

御製詩
勒石鐵蓋山

入關萬隊擁貔貅壯士還鄉樂可知謀有必成欽

廟畧用非得已信王師金鏡聽唱平羌曲璧沼誰賡獻賦
詩三十六邦昭

聖武止戈長此靖邊陲

春夜讌集借徐鶴臞李亭午王菊農諸茂才作

一曲清歌妙擅場風前嘒嘒聽鶯簧黃金須買春宵醉青
眼誰憐我輩狂花好更宜烟影護衫輕時拂酒痕香秋來
莫負西山爽燕市樓高共舉觴

旅館不寐

問青閣詩集

卷四

十

蓬飄何事起天涯殘月窺人影
石影不斜馬長嘶梁颺跳石
名客夢暫還家

怪石圖爲錢牧屋瀾作

石兄石兄吾語汝惟汝之生最遠古一從大界闢鴻濛笙
媧賴汝蒼天補鞭驅爲避始皇虐入海去伴蛟龍舞子房
遇後米顛拜石交落落晨星數錢君系出吳越王書黜帶
彌承先祖衣錦山高石鏡開千秋瑞事難多觀代遠風微
陵谷遷誰識江湖射鐵弩遨遊湖海稱畫師太璞獨完謝
斤斧偶然戲墨寫雲根元氣磅礴恣吞吐我聞作畫如作
書用意支離轉媚媼又聞卷石貴瘦透神奇果自殊朽腐

想見筆搗五嶽時不與培塿爭仰俯何須幻術點黃金眠
可枕兮儼可煮勸君莫向素壁挂飛去常防化風雨

聽鄰館夜話

旅館挑燈客話長相逢何必盡同鄉勞人未覺風塵苦軼
事終宵說漢唐

生前枉認如椽筆身後誰知墮淚碑千載傳聞惟戰伐可
憐話不到毛錐

車中口占

盧龍塞與黃龍府南北當年幾戰爭今日同爲畿輔地無
邊麥浪曉風清

問青閣詩集

卷四

十四

答那嘯厓大令原韻

貝葉閒披遺歲時心如枯木不生枝禪機未悟重關隔妙
諦空拈半偈知我學長齋聊却疾公眞慧業自能詩何當
扶杖來相訪擬把黃金鑄導師

過南苑作

驅車避行潦日暮尙奔波南苑秋風早西山爽氣多宏
開飛放泊緬憶豫游歌豈止芻蕘往公田半瑞禾

關中詠號軍

負戟曾經萬里游文場景換戰場秋燈明短柵疑烽火鼓
急空堂憶戍樓笑與儒巾同逐隊難從矮屋覓封侯五更

風露醒殘夢到此真成夜不收

述哀

晻晻西落日滔滔東逝川哀哀我父母罔極恨終天憶我
未韶齒兄弟多比肩曇華易幻化存者碩果占三歲識之
無五歲讀書編父母喜頴悟掌上明珠懸衣裳慎寒燠飲
食節粥飴我母戲摩頂惟願壽命延謂兒能長立不復望
丁添及見采一芹自已瞑九泉豈知成語識一病不能痊
孑然七歲兒行止須扶牽姊妹俱幼穉命運何速遭顧復
勞椿庭人勸續膠絃繼母年十九入門衆稱賢兒女如已
出撫愛無私偏相莊甫匪歲父病方纏綿曾於呻吟餘課

問青閣詩集

卷四

十一

兒裁紅牋指授波與礫那顧手顛顛命兒藏篋中他日資
探研龍蛇兆噩夢歲暮慟館捐惟餘一床書未遺半畝田
孀孤弔形影飄泊如風鳶大厦忽傾覆支持賴寸椽境逾
冰菓苦心誓金石堅欺凌及婢媪誰能周一錢呱呱啼懷
中先父既歿四月
次妹生 煢煢繞床前嚴冬風雪吼數日絕炊烟
夜課燈火盡燃香照兒眠兒冷尙披絮母自葛帔穿夏雨
老屋漏竈底波淪漣母病甫汗愈兒病行相連力疾營藥
餌中夜禱神仙不死信天祐復得從師嚴童試幸入彀拔
補弟子員彬年十八吳芸樵
少宗伯取入府學 母始輟然樂酒醴陳几筵成
立告先親辛苦今十年姊妹漸長大遂咏桃夭篇料理瘁

心力嫁衣粗周全娶婦望抱孫佐理米與鹽童鳥屢殤逝
瓦礫亦不嫌兒年逾弱冠餽口守青氈羊脩歸奉母不受
人哀憐方冀享期頤膝下長依瞻風木一朝痛報施亦茫
然承廢蓼莪詩未表瀧岡阡不堪憶往事寸心如熬煎濡
淚和墨寫挂一漏萬千作詩聊攄哀庶幾子孫傳

題王筠翹出獵圖

丈夫生不封侯食萬戶好去南山射猛虎霹靂弓鳴白羽
飛仰空氣作虹蜺吐畫中玉貌何風流短衣躍馬行長楸
青絲鞭拂黃金勒雪花如掌披貂裘知君懷抱疏孤冷偏
向生綃繪馳騁歸來高卧效袁安一枝香伴寒梅影

君又有卧

問青閣詩集

卷四

三

雪小 笑我頻年興轉豪合圍欲趁霜天高何時並轡黃榆
塞一箭穿雲看落鵬

題拜石圖

乞米年來想宦遊南山逕捷北山羞折臂且學元章拜石
不能言定點頭

東便門外道中作

候驗征鴻至人如倦鳥還西風吹雨過曠野見雲閒秋水
數帆度遙峯萬笏環烟林茅屋隱圖畫憶荆關

冬夜聞雁

關塞何淹滯江天今始歸途經風雪冷野少稻梁肥助我

吟偏苦懷人夢共飛長河水未結檣語聽依稀

六言雜興

少陵作憂國語放翁多閒懷詩今日平情較量同爲稷契

心思

曹瞞頌爲元聖馮道壽比先師人心一何顛倒當境居之

不疑

雪曉

風雪打窗急夢迴疑月朗布衾寒自擁巷柝寂無聲曉色

一何淡詩懷相與清泥深人跡少高臥掩柴荆

老儒

閩青園詩集

卷四

古

芸窗翰墨結因緣贏得霜華上鬢巔漫說窮經推皓首悔
會識字坐青氍毹每新梯慨知己名顯巍科讓少年自笑
雄心灰未盡仍將鐵硯當良田

老將

拊髀空懷萬里征難憑衰朽立功名封侯半是偏裨士報
國應麾子弟兵三尺龍泉消壯氣百年馬革贖餘生鬢眉
未盡凌烟閣醉向南山射虎行

老僧

蒲團枯坐幾春秋幻相全空壽相留大界流年如電掣十
方乞食倦雲遊平生說法真饒舌終日焚香對白頭畢竟

蓮那何處是。難從古佛問根由。

老妓

冷落門前車馬稀。青樓好夢憶全非。
新聲嫵按紅牙板。舊樣空藏白紵衣。
公子多情應恨晚。商人未嫁欲何依。
丰神羨煞徐娘媚。歌舞當場錦繡圍。

問青閣詩集

卷四

五

問青閣詩集卷五

天津樊 彬質夫

筠潭師召赴山右藩幕

遠赴程門召師恩感獨深頓忘離別苦快遂步趨心下里
無高唱中郎夙賞音栽培盛桃李偏愛舊時陰

見說天門險重嵐一綫通崎嶇過蜀道勤儉湖唐風書劍
憐行李關山笑轉蓬遠游攄壯志往事悔雕蟲

將赴晉陽作

雲山千里走天涯門戶難持壁立家紗幔趨陪來北海葛
衣凋傲感西華蝸廬但有生塵飯烏道長驅問字車會見
春風蘇小草不須彈鋏動咨嗟

有感

當年跬步別護幃日落門閭望子歸一自蓼莪詩永廢更
無人爲密縫衣

荆花別樹亦交輝作客他鄉半未歸羨煞春來鴻雁好雲
天常作一行飛

別離曲

驪駒已在門別思縈心曲善事千金軀殷勤託童僕
驅車日以遠有夢繞行雲莫惜平安字開緘如見君

青縣遇風

天地塵沙裡春風勢太雄行人似新婦終日閉車中

獻縣題壁

驚颺如吼捲黃沙暫息征輪日已斜過客浮蹤隨柳絮大

提風調唱蓮花詩書尚識賢王塚

河間獻王墓在縣境

車馬難尋姪

女家燕許文章誰繼武才名一代冠中華

謂紀文達公

饒陽題壁

數株楊柳欲生稊三兩人家傍水西燕子不來春社過草

堂零落舊巢泥

旅館無聊客睡遲攜燈重讀壁間詩笑他有并能歌處絕

少黃河遠上詞

問青閣詩集

卷五

無極即事

一杯何處乞雲漿到此宜求辟穀方鮮菜却思鄉味好有

人洗手作羹湯

清明藁城阻雨

春陰籠野弄輕涼檢點新詩入錦囊細雨斜風留客住林

梢紅又放斜陽

祭掃誰停陌上車白楊深處聽啼鴉清明獨下思親淚灑

向前村問酒家

漢南粵王趙佗先人墓

在襄鹿縣地各趙陵堡

詔修曾記漢遺文烟樹千秋護古墳將作鳩工營北地粵

王象設隔南雲

南粵王墓在粵中

報書定切思親感流水常懷有

道君不似武皇恩禮薄松楸輕毀李將軍

滹沱河懷古

驅車來訪古呼沱長橋遠駕鄰鄰波野老尙能談軼事漢
家光武昔經過鐵騎夜踏堅冰合語證史冊良非訛孝平
之世炎火熄莽賊乘間操太阿銅馬赤眉紛草竊真人應
運揮天戈昆陽列陣雷雨助二十八將星森羅掃蕩妖氛
清六合蛙跳井底真虜虜四瀆神祇列祀典浮梁定見驅
龍鼉中興事業有天佑馮嬖河伯來護呵東京創基延漢
祚布衣隆準功孰多西蜀神孫劬燕翼涿鹿桑影猶婆娑

問青閣詩集

卷五

三

文叔當年真大度生產不治遭堯珂蕪萋麥飯進道左晉
文乞食應同科封田綿上何足數酬庸帶礪盟山河我今
遠游渡此水沙柳嫩娜春風和白腹黃牛誰復識春陵西
望發長歌邳耿岑馬今安在二千餘載如剎那忘機却羨
富春叟一竿江上披漁簑

井陘縣

撲面風沙做黑貂雙輪石縫歎薪勞地當燕趙關津重客
到幽并意氣豪萬澗合流官閣繞羣峯斜倚女墻高戍樓
更聽吹笳管易使霜華染鬢毛

自井陘長山口西至平定南天門一百餘里崎嶇萬

狀詩以賦之人可奈何

我來井陘道山勢何崢嶸起伏互霄壤闔闔分陰晴橫絕
燕趙界限域由天成何人鑿鳥道力與造化爭僕馬困瘡
痛磨蟻禪蝨行攀援一線入奇谿形紛呈天梯巧鉤鬪鬼
斧勞經營但饒雄猛象畧無蘊藉情迺看駝背腫密訝虎
牙撐奔騰渴驥赴蜿蜒常蛇紫圍戴介士胄方設仙人枰
銛利矛戟向欹側旗旗擎九陞開閭闔重樓排玉京浮圖
孤矗立阿屋連深閣佁儻丈人走羅列兒孫迎魍魎怒睚
眦四首愁髡駮疑觀曼衍戲魚龍難具名又疑昆陽戰壁
壘屯千營茫茫窮目力惴惴搖心旌窮途忘饑飽跬步關

周青閣詩集

卷五

四

死生有時遇土嶺夾道接墉城仰視蔽天日古木杈極橫
田塍高百仞上有農夫耕有時倚山麓崖石防墜傾深澗
不可測水激轟雷聲人家瞰釜底穴居無軒葭幸免豺狼
患亦少採丸驚石閣認村落古堠表郵程嗟余樂雲水胡
爲今遠征西望大行脊虞坂同悲鳴鄉園隔千里身似飄
蓬輕作詩紀險阻健氣添幽并

咏澗中石子

衝激年年逐澗波勻圓端不借礪磨居官誰愛鬱林石過
客宜吟彈子窩林壑性能完璞抱文章功具補天多此中
或有荆山玉剖採無人可奈何

騎驢過固關

逆旅來投日已昏人家澗底別成村獨驅雙耳山坡外也
抵騎驢入劍門

平定道中

疊嶂層嵐互送迎朝朝伴我向西行一從踏遍千山險塊
壘胸中益不平

謁筠潭師於晉陽行省

數載韓門別無成愧面牆一朝汾水渡展謁幸登堂絳帳
春風滿黃花晚節香廉泉清可挹分潤到荒莊

初至晉陽邸事

問青閣詩集

卷五

五

殘編亂擁獨燈挑誰與空齋慰寂寥小技十年空楮刻浪
游千里笑蓬飄山城吹角邊聲靜烟水懷人客夢遙紅杏
飄零春色晚故園回首路迢迢

題何仙帆司馬湘詩集

於越山川天下無誰從禹穴探奇書水部才名出桑梓影
籍山錦囊拈句皆瓊珠公今觴詠集簪裾秋風莫便思尊
陰鑪明月篇成繼大復詩源遠溯東西都

晉陽懷古

桐葉遺風尙儼然臺駘世系溯金天隨刊功大龍蛇遠勤
儉風淳蟋蟀傳祀典舊崇恒嶽鎮霸圖空錫介山田長平

戰骨銷沉久，燐火橫飛逐野烟。

要塞長城問故墟，山河表裡戰爭餘。迎來代邸名原正，困到匈奴計已疎。背水一軍驚拔幟，巡邊三篋記亡書。汾陰寶鼎新歌奏，萬里烽烟盡掃除。

割據羣雄事已遙，運移典午笑蛙跳。段劉勲業高東晉，齊魏規模盛北朝。官制遠追雲鳥紀，童言忽起水羊謠。縱橫戎馬終何益，塞草關雲恨未銷。

募卒會聞擊武周，義旗氣忽見起并州。虬髯慷慨眞人氣，螢苑淒涼故國秋。蹕路尙通楊廣道，穹碑常照晉祠流。

晉祠

有唐太宗
讓書碑記居然雞犬新豐里，受瑞壇前幾度游。

同音閣詩集

卷五

六

橫衝軍繼李鴉兒，十萬梁兵勢莫支。代北威名龍獨眼，鄆城壯節豹留皮。誰輸列郡稱降國，共向穹廬乞救師。大統不歸天水碧，紛爭蠻觸到何時。

玉輅重臨下晉陽，陳橋而後又滄桑。謀高智伯洪流決，地忌參星烈火揚。赤伏無靈延血食，縞衣有恨附降王。三交城徙唐明鎮，形勝全非古戰場。

遼金宮闕已榛荆，壁壘猶存太后城。白雁聲高來北路，銅駝蹟改嘆西京。巡游山後三關近，圍獵雲中萬騎行。野史亭邊憑弔久，興亡一代著書成。

臨濠王氣起飛龍，晉水分藩百雉封。一自黃巾紛伏莽，遂

教驪土近傳烽

闕賊破太原

殘碑剝落珍遺本

寶賢堂石刻今在晉陽書院

丹井依稀有舊蹤

在晉府東門內晉王製金棗丹准用此水

斷礎頽垣銷劫火

空餘梵宇報晨鐘

晉府災燬今存崇善寺爲晉莊王建

畫梅爲汪菊泉作

羅浮仙夢記初還玉骨冰肌破笑顏贈與清高林處士一

枝風雪伴孤山

汪老而無室

又

畫梅梅欲笑我識畫梅入踏遍江南雪一枝聊寫真

游太原崇善寺

明晉莊王建

驪土分茅早黃金布地新雄藩歸劫火

晉府災燬

梵宇壯城闈

問青閣詩集

卷五

七

樹老驚風雨廊深闕鬼神穹碑偕客讀踏破綠苔新

聞那嘯厓大令卒於津門道觀

高吟會和步虛聲一夕龍蛇噩夢驚公自屠沽銷歲月我

惟文字結交情歸魂定化遼東鶴羈跡眞騎海上鯨用盡

黃金賓客散詩篇零落歎生平

題賓州陸小姑紫蝴蝶花館詩後和筠潭師韻

小姑以不

任力作爲始所棄大歸後依母讀書旋病卒

眞見清才出粵中遇同覆水句偏工誰知織女銀河隔猶

具宣文絳幔風錦字纏綿思自巧曇華示現夢全空吟成

別有傷心調滿紙啼鶻淚染紅

新歌休唱想夫憐
磐石心堅守硯田
弱不禁秋身似柳
香原絕俗吾生蓮
窈禽夙恨填滄海
瘦蝶芳魂化碧烟
難得長官盡風雅
珠璣照耀玉臺編

寄懷崔念堂大令

旭

仰止高山久丁沾
識面遲人皆黃葉目

詩有崔黃葉之日

我憶紫

芝眉文字緣終在天涯
遇亦奇魚鬪憑驛使幾
度寄新詩試聽輿人頌
鳴琴著政聲棠陰留惠
澤扮社有餘榮烟樹汾
川渡雲山蒲子城何時
重命駕樽酒話平生

題筠潭師西湖仙權圖

晴湖激盪開明鏡
層嵐四面遙相映
好放中流書畫船
蘭

問青閣詩集

卷五

八

橈劃破玻璃淨
五夜奎光貫斗牛
鈞鰲快向海東頭
劉樊况共神仙侶
莫擬浮家汗漫游
吾師舊是瀛洲客
聲價文章重鸞掖
健筆能迴渤澥瀾
新詞競誦霓裳拍
九閩校士賦皇華
不駕星輶泛月槎
豐樂樓前秋水碧
西泠橋外夕陽斜
螺江廣布珊瑚網
南金竹箭歸宏獎
化雨菁莪惠子衿
春風楊柳搖歸槳
妙手荆關寫畫圖
人生到此信蓬壺
蓮葉浮波來太乙
梅花作伴笑林逋
高歌聲振青雲表
山色溪光挹懷抱
舟楫方資濟世材
烟霞已入新詩草
我奉南豐一瓣香
幸來千里親門墻
愧無腹稿驚人句
空乞長

風送馬當

登小五臺作 卽前明王方伯桂子園

樓閣湧崔巍登臨亦快哉旋螺行未已靈鷲想飛來秋色
干山送人烟萬井開難尋叢桂隱禾黍滿城隈

太原雜詩

三晉雄藩地蒼茫大鹵墟俗懷山有栲客嘆食無魚 有魚龍鴨

鳳之 道路殊車轍 自榆次石鐵鎮以西轍寬尺許 人家尙穴居阪田千磴

關辛苦幾耕畝

忽聽吹笳遠邊聲按雁關池鹽白堆雪石炭黑連山要塞

神都衛河流故郡環清涼開佛界策杖好登攀

五月輕寒峭吳綿脫尙遲風囊狂自吼地軸動無時 四時多風

問青閣詩集 卷五

土人云久不風則地動 人愛金纏臂 童叟多帶臂劍 山殊翠掃眉幸無蚊市

擾清絕夜眠時

何處窺人面家家靜掩門泉清唐叔廟雲羃狄公村佳釀

掛桑落高臺蒔桂園 小五臺爲桂子園址 蕭牆西去路 晉府圍垣今有南西蕭牆

之 猶有漢槐存

卽目

晴雲數朶壓峯低高捲湘簾日欲西滿院槐花無客到綠

陰如幄郭公啼

題畫十二首呈筠潭師

一枝應向嶺頭分清馥先從鼻觀聞呵手雙鴉纔畫就香

回綺閣正朝暉

倦人天氣雨濛濛
綽約新粧對艷紅
燕子也隨春意鬧
雙拋玉剪趁東風

芳林紅燦武陵霞
春在橋邊第幾家
流水一灣低照影
臉潮髣髴對菱花

萬紫千紅春已歸
獨將婪尾殿芳暉
蘭閨喜見徵嘉瑞
傍砌新開錦帶圍

紅萸半吐火珠含
宮髻盤雲膩玉簪
不用環臺誇異迹
願將多子兆宜男

瓜皮船小泛銀塘
初日芙蓉照曉粧
莫折並頭花朵艷
留

周青閣詩集

卷五

十

教香夢護鴛鴦

碧宇秋高露氣滋
銅龍廿五漏聲遲
黃姑星上明河轉
正是銀屏夜坐時

新聲愛譜紫雲歌
仙樂曾聞奏大羅
漫憶華年吟錦瑟
千秋顧曲有姮娥

排空又見雁來賓
金井梧桐落葉新
定有平安書寄遠
涼風天末正懷人

御溝佳詠記誰傳
盡日含情水石邊
欲寫疎林秋意好
更勞青女贈紅牋

晷影誰將一線量
繡幃共課女工忙
唾絨好趁黃綿暖
莫

學停鍼倦晝長

何人瑟縮對爐薰
獨愛清臞伴此君
想見高風林下好
滿衣疎影壓涼雲

遣悶

千里饑驅客空慚
歲月增秋風搜敗葉
殘夢耿孤燈生計
縫裳婦情懷退院
僧歸程堪預計匹
馬踏河冰

秋花

詎因商岸感洞殘
羣卉爭妍儘可觀
瘦蝶多情來小院
明蟾移影上雕欄
遠分紅葉下林斃
低看青苔一徑寒
最是空庭閒覓句
數枝愛對晚涼看

問青閣詩集

卷五

七

新粧端合伴青娥
氣向金天釀太和
不信繁華春後少
須知雨露晚來多
梧宮輦過疑鋪錦
蘭闥衣香欲換羅
更有草蟲成點綴
徐黃妙手幾臨摹

太原中秋

皓月共千里
西風悵未歸
雲山皆北向
烏鵲自南飛
妙曲懷仙府
新涼試客衣
持螯鄉味憶
沽上蟹初肥

題傅青主徵君霜紅龕詩集後

感慨悲歌者
由來趙代多
才高何恣肆
句險絕臨摹
陶令耽松菊
靈均傷薜蘿
峒霜葉好
拄杖幾吟哦
公卿交薦日
名字九重聞
頰去看紅藥
歸來卧白雲
詩心

黍象教書法想鶯羣寂寞遺山後高風又見君

食蟹

吾鄉七十有二沽秋來亥市饒鰕魚就中尤數霜後蟹稻
芒柱腹東溟輸當筵自撥鸚鵡嘴金相玉質團尖殊竭來
作客并州道連山罕見臨流漁地鑪紅火燃石炭庖人頓
頓烹花豬師恩教誨兼飲食詎令彈鋏增長吁閣開平津
宴賓客雙螯八跪出官厨無腸公子非晉產何來郭索汾
沮洳始知遠致自畿輔載以車馬束以蒲釘盤味比侯鯖
貴酒斟桑落頻提壺不用門生議躁擾恍同幕府吟媿隅
大嚼且喜老饕足歸心莫便思尊鱸玉山醉倒菊花下狂
問青閣詩集

卷五

五

歌好和聲烏烏窮士泥塗有類此橫行文字嗟相如回首
烟波渺何處西風吹瘦留形軀詩成一笑豁然醒起看冷
月霜天孤

夜雨

飛雨灑庭樹細作流泉聲涼風颯然至今我神志清百蟲
寂無語遠寺晨鐘鳴輾轉不成寐卧看窗紙明

題竹石小隱圖

繞階遍植碧琅玕自有清音引鳳鸞座對此君應不俗好
教日日報平安

林巒清遠愛新秋漱石高風孰與儔會得無絃琴外趣幽

篁深處聽泉流

題采芝圖

頃年容夢繞并州忽賦驪駒倦遠游好去椿庭介眉壽長
生蘋採晉祠流
由來風骨玉同清會記嵩山頂上行自刷雲根三秀草栽
培好向謝庭生

題沈雨蒼

汝霖小照即送之大梁二首

并門萍迹合快識紫芝眉客有烟霞癖披圖宛遇之
君行過梁苑我去釣丁沽他日勞相憶鴻泥認畫圖

落葉

閒言閑詩集

卷五

三

涼風振庭樹葉落紛可數颯颯打窻扉聲作晴天雨下土
識拘墟凋殘傷目覩大造本無私萬物任自主精華苟善
藏巖霜亦何苦不見凌寒松青蒼秀老圃矧此梗蒂除復
有萌芽吐榮枯變一時生機運千古

咏菊前後八首和筠潭師韻

菊魂

荒徑青松共後凋黯然詎爲別離銷夙緣自與淵明契秋
氣原宜宋玉招九日樽前思已勻三生石畔記相邀香通
鼻觀真疑返隱跡園林樂挂瓢

菊影

禪叅泡夢滅還生搖曳西風認更明滿地黃金啣畫餅三
秋絳帳伴書檠籬遮涼月偏宜淡槽指中流倍有情自顧
還憐成大瘦苦吟無補總虛名

菊韻

不關佳色足徘徊別有丰姿賞未回晚艷却宜青女伴高
風祇許白衣來捲簾覓句塵懷遠挿帽登高笑口開檻外
晴光當日午幾番寄傲醉銜杯

菊香

猊爐麝篆漫稱奇晚節清芬動遠思囊袂纔初蘭珮後餐
英如嚼菜根時酈泉釀味知誰種韓圃留芳覺未遲閒步

開青閣詩集

卷五

五

山椒聞遠馥飛來冷蝶夢迷離

菊魂

應有芳情賦楚騷不堪持贈自娛聊珮環髣髴幃中見風
雨迷離屋外招塵境全空宜爾壽淡懷相對令人銷去來
早向金天悟且訪寒香度野橋

菊影

醉向花陰寄嘯歌涼颼偏愛態婆娑畫屏枝傲遮雲母曲
檻姿幽待月娥駒隙流光驚晚節鴻泥有迹認平地金身
幻化成千億示現曇華半偈歌

菊韻

獨自凌寒冒雨開
長生那便覺顏頰
爭妍不入移春檻
說愛還殊解語杯
吟社何人揮麈對
柴門有客抱琴來
黃華晚放添幽致
補作重陽伴老梅

菊香

漫將秋色繪徐黃
漢帝詞成記有芳
同氣宜偕山杞賦
會心何數木樨香
幾番蘊釀含朝露
一縷溫磨逗夕陽
最愛清芬推處士
好從花下問行藏

佛手柑

色耀黃金也自華
恍疑按指會無遮
旃檀味遠超三界
文字禪空謝八叉
蓮座何人圓證果
祇林幾度笑拈花
分明

閩青閣詩集

卷五

五

得見兜羅軟漫與搓橙一例誇

芳名猶是說傳柑
袒臂陀羅妙諦含
示相居然來接引
開香端合禮和南
散花想見全身現
對月還宜豎指參
悟徹菩提本無樹
塵根清淨擬優曇

聽顧君彈琴

幽人志山水興至獨鳴琴
偶向風前聽悠然塵外心
松濤飛巨壑沙渚落征禽
聊洗箏琶耳何能附賞音

彈缺來汾晉邊聲入耳
多千秋思古調一曲養天和為溯

南薰化

冀為舜都
彈琴故地

休誇北里歌
期君游海上漁唱譜烟波

酬劉研莊大令

廷瑞

見贈之作

頻年跡隔海門烟，汾上相逢信夙緣。何日追隨鳧鳥後，一
甌同瀕甕山泉。

天馬騰空未易才，高歌恒霍曉雲開。還鄉一事誇桑梓，親
見長城五宇來。

共說琴堂判牘奇，知君筆法擅臨池。山中好覓松枝管，乞
寫吾家絳守碑。

使君治績傳三異，長者高風錫百朋。漫學南華愁涸轍，早
教分潤玉壺冰。

仲冬七日筠潭師賜哈密瓜

異壤曾充貢師門，早拜嘉鎮心懷。溽暑引蔓憶流沙，載咏

問青閣詩集

卷五

共

齊風句應來漢使，槎詩腸清可沁那。羨嚼梅花

哈密瓜和筠潭師韻

蔓水河源溯星郵，遞遠隔馳泉誰抱。瓊羊酪解凝脂榴，共
徵多子梨休羨。語兒開疆來遠物，王事幾驅馳。

瓜州稽古志包貢，自邊隔味美緣。沙磧香寒剖玉脂，種難
移漢苑。期想戍蕃兒珍重，師恩賜會經萬里馳。

晉陽喜雪和筠潭師韻

朔風舞罷玉龍姿，破曉清寒粟起肌。袞笠夢游孤艇釣，門
墻侍立瓣香持。冰壺朗徹全含白，錦地光明不染緇。我自
荒莊沾化雨也，同六出麥田滋。

崔念堂大令書來却寄

官清偏有吟詩樂，壤僻從知判牘閒。
奇福真堪誇更隱，朝朝拄笏看雲山。

年來彈缺密天涯，不爲尊盤也憶家。
得見香山新樂府，更教歸夢繞蒼葭。

見示津門諸咏

老椿

椿大已數圍，蕭森傍老屋。
當空素月遮滿院，青苔覆春秋。
誰紀年閱世，幾陵谷久廢。
蓼莪詩對此，悲風木

雙松

牆外雙小松，蒼翠映遠嶺。
風過答笙竽，月明交藻荇。
安得

開青閣詩集

卷五

七

綠綺琴揮絃，寫幽靜。
爲結歲寒盟，同耐冰霜冷。

山晚

林密暝色深，雨過山光冷。
人語落半空，樵擔孤峯頂。

09765

